

COMUN: I sac dal ciomënt vëgn partis fora de jená por döt l'ann 2023 dai 09 ai 28 tl orar de daurida di ofizi; apostedi denant por telefon 0474 524 377.

SAN MARTIN

I dijun dër bel dilan dles ofertes che é gnüdes ite cun l'Aziun di Trëi Resc: 5.544,50 € tles ciases y 945,51 € en Santaguania pro mëssa. Les döes somes é gnüdes menades inant al Ordinariat dla Diojeza por les Misciuns. Implü ti dijunse dër bel dilan ales mitans y mituns Mia, Noemi, Marian, Emily, Sophia, Greta, Karolin, Lena, Markus y Cecilia che á fat i Trëi Resc, ai acompagnadus Erwin, Pepi, Erica y Simon. Dilan al'Ostaria Posta y ala Ciasa de Palsa dla marëna y a düc chi che á tut sò bun i mituns y a chi che á fat d'atri sorvisc por chësta aziun de solidarité.

Le consëi de cöra ti dij n gran dilan y n bel compliment a Sara Ploner che s'á cruzié de dōta l'organisaziun di Trëi Resc.

Cun la fin dl'ann 2022 á Angel Moling lascé da fá so sorvisc da ciavé les fosses. N gran dilan a Angel da pert de dōta la comunité! La comisciun por la cortina é tl laur da chirí n'atra porsona che surantol le sorvisc. Sc'al ess da ester debojëgn da ciavé proscimamënter na fossa é l da contaté valgügn dla comisciun por la cortina.

LUNGIARÜ (+ d'atres comunicaziuns daite)

La domënia ai 05 de forá é l "De dla vita". I periun dër bel i geniturs di mituns y dles mitans nasciüs/des y/o batiá/batiades tratan le 2022 da ti fá avëi a òna dles surastantes n retrat de so möt/süa möta cina ai 20.01.2023 o ince tres email a anita.verginer@live.de (tl'ultima plata é la email falada)."

La Staziun di Verdabosc d'Al Plan lascia alsavëi che la sesciun forestala por l'ann 2023 gnará tignida por döt le comun, en dedemesaledema, ai 18 de jená dales 09.30 tl salf di Stödafüch a San Martin.

Aldefora dl argomënt "situaziun dl chefer dla scorza (arlogn)" gnarál ince baié dles chestiuns atuales di bosc, dles munts, dl'economia da munt y di laurs fac y preodüs por le 2023. Düc i interessá é bel invia.

La Direziun raionala dles scores d'Al Plan chir por atira n/a bidel/a por 15 ores al'edema dal lönesc al vëndres tla scora elementara/mesana da San Martin, con cherdada direta por curí le post lëde. Al vëgn ghiré: zertificat de appartenënza al grup linguistich ladin nia plü vedl de 6 mëisc, trilinguism A2 (ex D), titol de scora elementara. Info 0474-506011 / 501075.

Al é indô gnü daurí tla Ciasa de Palsa le sorvisc dl "Guern ia por le de". Chësc é ponsé por porsones atempades che vëgn ma ia por le de tla Ciasa de Palsa y s'un vá da sëra indô a ciasa. Al é la poscibilité da sté n valgönes ores o ince döt le de olache an ciafa la marëna y al pó gní tut pert ales ativités organisades te ciasa. Por le sorvisc é l preodü na picia cuota de partezipaziun ai cosc; por le trasport mëssel gní fistidié dala porsona instëssa o dai familiars.

Dötes les informaziuns y l'iscriziun al sorvisc é da ciagé tl Raiun Sozial a Picolin por Helga Trebo, por mail: helga.trebo@bzgpust.it o por tel 0474 524 513.



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - ksottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

15.01 - 22.01.23 n. 08

ultimo termo por comunicaziuns: jöbia, dales 20.00

2ª DOMÈNIA IA POR L'ANN "A"

Vangele do Jan 1,29-34

Te chël tēmp à Jan Batista odü le Signur che ti gnô pomez y al à dit: Cïarede, l'Agnel de Dî, che tol demez le picé dl monn. Èl é chël, de chël ch'i à dit: Do da mè vëgnel n èl che m'é danfora, deach'al ê dan da mè. Ince iö ne le conesciô nia; mo i sun gnü y i batiëi cun ega, por ti al fà conësse a Ìsrael. Y Jan à testimonié: I à odü le Spirit gnon jö dal cil sciöche na colomba y ston sön èl. Ince iö ne le conesciô nia; mo èl, che m'à mené a batié cun ega, m'à dit: Sön chël che t'odaras gnon jö le Spirit y sön chël ch'al sta, chël é che batiëia cun Spirit Sant. Chësc ài odü, y i testimoniëi: Èl é le Fi de Dî.



Sciöche Jan dá testimonianza, sunse ince nos cherdá da ester testimoni. Mo, co dessun pa nos dé testimonianza de nosta fede?

Por dé testimonianza dla fede

podunse magari cunté de ci ch'i un aldí o de ci che nes é sozedü, ch'i un sintí l'aiüt de Chël Bel Dî o ch'al é sozedü chël o chël ater de bëgn. I podun cunté de ci ch'i aratun important o ince de ci ch'i aratun sant y bel. Insciö gnunse sura ch'al é fostüs y sëgns de Chël Bel Dî tla vita de vignun. Sc'i odun chisc sëgns y i tolun söl sciode, spo diventunse instësc - tla umilté y tla reconescënza - testimoni dla fede defrunt a nosc proscim. Datrai podunse dé testimonianza se don da fá por val' de bëgn, o ince, sc'i desmostrun ince ma nosc respet o nosta reconescënza. Important é da nes damané, ci unse pa daite che nes sbürta, é l egoism, superbia, la minunga ch'i á ma iö rajun, o é l orenté da scinché inant ci che nos un ince ma ciagé scinché, zënza s'aspeté n dilan o n paiamënt.

EDEMA	SAN MARTIN	LUNGIARÜ	
15.01.23 2ª DOMÈNIA ia por l'nn A	9.00 Corona 9.30 Gran Mëssa por la comunité reng. a S.Ojöp Fr. - fam. Alfred y Claudia Ploner dl ann + frater Martin Ploner dl ann + Erika Psailer	7.50 Corona por + Sepl Clara 8.15 Gran Mëssa por la Comunité 2ª de sopoltöra de Sepl Clara	Gejú Crist, i gnun da te y te periun por i mituns y les mitans de nosta ploania che jará ala pröma comuniun. Ai oress sintí plü sot tüa amizizia. Chësc n'è al dedaincö nia tan sauri. Porchël periunse, deuri so cör por la gran scincunda che t'os ti fá. Dëidi da jí ite tla vita, confidan en te, y da chirí tüa amizizia tla fede y tl amur. Scinchi geniturs y porsones te sües families y te nosta ploania che ti cunta de süa fede, che i accompagnëia tla oraziun y ti lascia sintí che tö es amesa nosta Dlijia. Fá ch'ai se sintes tuc ite te nosta ploania sciöche te na comunité che se prô da dé testimonianza de to gran amur. Lasci tres indô incunté porsones che ti sides d'ejëmpl cun süa vita. Bun Gejú, renforza te so cör le dejier do te. Fa ch'ai s'inconfortes da t'incunté y te deures le cör che te pois ester so ghest y i implí deplëgn. Operëia te nos düc ch'i se dauriunse a tüa buna noela y dunse testimonianza de nosta fede. Dëidesse da tó sô tres indô l'invit da jí pormez a tüa mësa y tó pert a to past, ch'i siuntiunse to amur y che te pois gní y ester vi te nos.
16.01.23 <i>Teobald, Marzelin</i> Lönesc	19.30 Incuntada di geniturs por la pröma Comuniun		
17.01.23 Dedolönesc <i>Antone abat, Beatrix, Iulian</i>	19.00 Mëssa dl ann + Rita Rubatscher Verginer + Vigile Moling (dl ann) + Tone Unterweger		
18.01.23 <i>Regina, Prisca</i> Dedemesaledema	<i>Te dōta la diozeja: Edema de oraziun por</i> <i>l'Unité di Cristians (dai 18 ai 25/1)</i>	7.30 Mëssa + Anna Pallestrogn Sottrovitsch	
19.01.23 Jöbia <i>Marius, Heinrich</i>	7.30 Mëssa en onur de San Bostian dl ann + Mariangel Tavella Corona por vocaziuns		
20.01.23 <i>(Novëna a S.Ojöp Fr.)</i> Vëndres <i>Fabian, Bostian, Ursula</i>	18.30 Adoraziun chîta 19.00 Adoraziun deboriada	7.30 Mëssa + + + Vijo, Maria y Heinrich Dapoz dl ann + Veronica Costa	
21.01.23 <i>(Novëna a S.Ojöp Fr.)</i> Sabeda <i>Agnes, Ines, Meinrad</i>	19.30 Mëssa prefestia + Rita Ligossi por familia Graffonara, Tin + + Guido y Emma Clara + + + fr. Martin, Pire y Frida Plone	18.00 Mëssa prefestia 3ª de sopoltöra de Sepl Clara + Isidoro Clara	
22.01.23 <i>(Novëna a S.Ojöp Fr.)</i> 3ª DOMÈNIA ia por l'nn A Domënia dla Parora de Dî	9.00 Corona <i>(la mëssa sará por todësch)</i> 9.30 Gran Mëssa por la comunité + Pasquale Schuen dl ann + Sepl Flöss, d'Arzó + + + Albert, Emma, Artur Conrater	7.50 Corona 8.15 Gran Mëssa por la Comunité cun y por i neocomunicanc	
LUNGIARÜ: Bel dilan dles ofertes en recordanza dl defunt Sepl Clara por la dlijia da fam. Clara, Laguscel; fiocia Mara Nagler; fam. Lois y Stina Clara; families de Johann Castlunger (Ties); fam. Klaus Costa. I ti dijun dër bel dilan ai 12 mituns y mitans y ai accompagnadus/ësses che è jüs fora por les ciases a fá i Trëi Resc. L'oferta di Trëi Resc y de Santaguania é de 3.644,67 € (3.008,00 € tles ciases + 636,67 € te dlijia) che gnarà spo menada inant ala Diozeja. Nos mitans y mituns dla Pröma Comuniun: Annamaria, Benno, Fabian, Gregor, Jan, Lena, Lisa, Miley y Vanessa, un metü man, adöm cun nüsc geniturs, da s'arjigné ca al past da festa cun Gejú. Bele sëgn inviunse dōta la comunité la domënia, ai 14 de ma, da fá festa cun nos. Sciöche comunité orunse tó ite i neocomunicanc en domënia, 22 de jená, pro la gran mëssa.			